

2.	KUD Biseri Sevdaha	7.000
3.	"Šadrvan"	4.000
	UKUPNO	18.000

Član 3.

Sportskim klubovima sredstva u iznosu od 100.000 KM raspoređuju se:

R/B	SPORTSKI KLUBOVI	Iznos sredstava
1.	Odbojkaška akademija "Smeč"	4.000
2.	Sarajevski karate klub "Stari Grad"	15.000
3.	Škola fudbala "SOCCER"	6.000
4.	FK "Vratnik"	13.000
5.	Tavla klub "Vratnik"	2.000
6.	SPD "No limit"	4.000
7.	Klub borilačkih sportova "Gladijator"	2.000
8.	Aero klub krila Sarajeva	1.000
9.	Kick box "Škorpion"	1.000
10.	Tenis pro	1.000
11.	Tekvando klub "Stari Grad"	1.000
12.	Šahovski klub "Stari Grad"	6.000
13.	Orkan "F"	1.000
14.	"MV Basket-2000"	2.000
R/B	SPORTSKI KLUBOVI	Iznos sredstava
15.	Univerzalna škola "Spartakus"	2.000
16.	Judo klub "City Centar"	2.000
17.	Bosna atletski klub	1.000
18.	Tekvando klub "Zlatni ljiljan"	2.000
19.	Bokserski klub "Zlatni ljiljan"	1.000
20.	OSD "Iskra"	6.000
21.	Odb.eduk.centar "Stari Grad"	3.000
22.	Plesni klub "Spin"	2.000
23.	Udrž.gluhih i nagluhih "Mladost"	3.000
24.	Invalidi - Stari Grad (SSRI)	4.000
25.	OFK "Rekreativo"	2.000
	UKUPNO	87.000

Preostala sredstva u iznosu od 13.000,00 KM ostaju neraspoređena.

Član 4.

Grant za namjenske projekte mladih u iznosu od 13.000 KM raspoređuju se:

R/B	NAMJENSKI PROJEKTI MLADIH	Iznos sredstava
1.	UG "Youth force"	3.000
2.	K.U.P.U. "Suada Dilberović"	2.000
3.	Udr. studen., "Demus"	2.000
4.	"Tanzelarija"	2.000
5.	Demokr. omlad. pokret	2.000
6.	Promocija urbane muzike "No fun"	2.000
	UKUPNO	13.000 KM

Član 5.

Raspored sredstava iz članova 2. i 3. ove Odluke isplaćivat će se korisnicima jednokratno, mjesečno ili kvartalno, zavisno od dinamike izvršavanja projekata i visine odobrenih sredstava.

Najviše 15% odobrenih sredstava mogu se koristiti za finansiranje administracije i materijalnih troškova odobrene organizacije.

Subvencija Općine može biti korištena samo za pokrivanje troškova projekta odobrenih budžetom.

Dužina trajanja projekta za koji se traži subvencija je maksimalno 12 mjeseci. Projektni period može biti kraći od 12 mjeseci.

Član 6.

Odobrenim budžetskim sredstvima Općine ne mogu se finansirati troškovi kao što su kupovina kuća ili kancelarija, pokrivanja deficita ili darivanje kapitala, kao ni retroaktivno finansiranje projekata koji se već provode ili su okončani.

Neće se finansirati godišnji program aktivnosti. Projektni prijedlog se mora odnositi na specifične aktivnosti, odnosno na niz utvrđenih aktivnosti koje su u međusobnoj vezi i koji mogu da se identifikuju rezultatima unutar određenog vremenskog okvira.

Član 7.

Isplata odobrenih budžetskih sredstava Općine vrši se kako slijedi:

- 80% odobrenih sredstava se isplaćuje prema dinamici priliva sredstava u Budžet Općine iz Zakona propisanih izvora;
- preostalih 20% odobrenih sredstava se isplaćuje nakon podnošenja i prihvatanja izvještaja, koji sadrži i opisani i finansijski dio, nakon čega se upućuje zahtjev za isplatu preostalih sredstava.

Isplata se neće vršiti retroaktivno. Neće se odobravati troškovi po fakturama datiranim prije datuma potpisivanja ugovora sa Općinom.

Član 8.

Za projekte čija realizacija traje preko 6 mjeseci do 12 mjeseci, nosioci projekta, odobrene organizacije i pojedinci će podnositi periodični i konačni izvještaj. Konačni izvještaj nosioci projekta su dužni podnijeti u roku 1 (jedan) mjesec nakon završetka projekta. Periodični izvještaj nosioci projekta su dužni podnijeti po šestomjesečnom obračunu.

Za projekte čije je trajanje kraće od 6 mjeseci podnositi će se samo konačni izvještaj.

Općina će obezbijediti nadzor provedbe projekta u toku njegovog trajanja.

Član 9.

Ova Odluka stupa na snagu danom objavljivanja u "Službenim novinama Kantona Sarajevo".

Broj 02-49-371/09
Juni 2009. godine
Sarajevo

Predsjedavajući
Općinskog vijeća Stari Grad
Sarajevo
Prof. dr. **Rizah Avdić**, s. r.

Na osnovu člana 44. stav 4. Zakona o prostornom uređenju ("Službene novine Kantona Sarajevo", broj 7/05) i članova 10. i 25. Statuta Općine Stari Grad Sarajevo ("Službene novine Kantona Sarajevo", broj 31/08 - Prečišćeni tekst), Općinsko vijeće Stari Grad Sarajevo je, na sjednici održanoj 25. juna 2009. godine, donijelo

ODLUKU

**O USVAJANJU URBANISTIČKOG PROJEKTA
"BAKR-BABINA DŽAMIJA"**

Član 1.

Usvaja se Urbanistički projekat "Bakr-babina džamija" (u daljnjem tekstu: Plan).

Član 2.

Plan se sastoji od tekstualnog i grafičkog dijela.

- A) Tekstualni dio sadrži:
- Odluka o provođenju urbanističkog projekta "Bakr-Babina džamija"
 - TEKSTUALNI DIO
- B) Grafički dio sadrži:

1. Izvod iz Regulacionog plana prostorne cjeline "Mjedenica"
 2. Ažurna geodetska podloga
 3. Postojeće stanje
 4. Namjena površina
 5. Urbanističko-arhitektonsko rješenje
 6. Parterno rješenje
 7. Mreža regulacionih i građevinskih linija
- c) Idejno rješenje kompleksa At Mejdan-Bakr Babina džamija
- d) Projekat konzervatorskog dijela Džamije Bakr Baba Hadži Alije i Medrese Huseina Misrije na lokalitetu At Mejdan
- e) Idejna rješenja saobraćaja komunalne i energetske infrastrukture i hortikulture

Član 3.

Po jedan primjerak ovjerenog elaborata nalazi se na stalnom javnom uvidu i čuva se u službi dokumentacije Općine Stari Grad Sarajevo i Zavodu za planiranje razvoja Kantona Sarajevo.

Član 4.

Ova Odluka stupa na snagu danom donošenja, a naknadno će biti objavljena u "Službenim novinama Kantona Sarajevo".

Broj 02-49-357/09
Juni 2009. godine
Sarajevo

Predsjedavajući
Općinskog vijeća Stari Grad
Sarajevo
Prof. dr. **Rizah Avdić**, s. r.

Na osnovu članova 29. i 47. Zakona o prostornom uređenju ("Službene novine Kantona Sarajevo", br. 7/05) i članova 10. i 25. Statuta Općine Stari Grad Sarajevo ("Službene novine Kantona Sarajevo", broj 31/08 - Prečišćeni tekst), Općinsko vijeće Stari Grad, na sjednici održanoj 25. juna 2009. godine, donijelo je

ODLUKU

**O PROVOĐENJU URBANISTIČKOG PROJEKTA
"BAKR-BABINA DŽAMIJA"**

Član 1.

Ovom Odlukom utvrđuju se uvjeti korišćenja, izgradnje, uređenja i zaštite prostora i način provođenja Urbanističkog projekta "Bakr-Babina džamija" (u daljnjem tekstu: Plan), a naročito: granice prostorne cjeline, urbanističko-tehnički uvjeti za izgradnju građevina, uvjeti uređenja građevinskog zemljišta i uvjeti uređenja zelenih površina.

Član 2.

Granica obuhvata polazi od tačke br. 1 koja se nalazi na međi između parcela k.č. 3823/1 i 7, a ima koordinate $y=6534703$, $x=4857031$, zatim produžava u pravcu sjeveroistoka idući lijevom obalom rijeke Miljacke u dužini od 76m (ne obuhvata je) i dolazi do tačke br. 2 sa koordinatama $y=6534772$, $x=4857061$, koja se nalazi na međi između parcela k.č. 3823/1 i 1, potom se lomi na jug sijekuci u pravoj liniji parcelu k.č.1 (put), granica nastavlja u istom pravcu idući putem k.č. 3 (obuhvata ga) i dolazi do tačke br. 3 sa koordinatama $y=6534788$, $x=4857001$, koja se nalazi na parceli k.č. 3783 (ulica Hamdije Kreševljakovića). Granica obuhvata produžava u pravcu jugozapada idući ulicom Hamdije Kreševljakovića k.č. 3783 i dolazi do tačke br. 4 sa koordinatama $y=6534727$, $x=4856970$, koja se nalazi na parceli k.č. 3783 (ulica Hamdije Kreševljakovića), zatim produžava u pravcu sjevera sijekuci u pravoj liniji parcele k.č. 5 i 7 i dolazi do mjesta odakle je opis granice i počeo.

Sve gore navedene parcele se nalaze u K.O. Sarajevo XIII, Općina Stari Grad.

Površina obuhvata iznosi: $P = 4617,55$ m

Član 3.

Urbanističko-tehnički uvjeti za izgradnju objekata:

- realizacija objekata vrši se u skladu sa regulacionom i građevinskom linijom definisanom ovim Planom
- arhitektonsko oblikovanje, veličina i horizontalni gabarit objekata prema Idejnom projektu Bakr babine džamije, autor Mufid Garibija,
- uslovi za restauraciju i konzervaciju arheoloških iskopina u Arheološkom parku prema Idejnom projektu restauracije i konzervacije Arheološkog parka
- sve pješačke prilaze prilagoditi invalidima
- svi građevinski radovi moraju biti projektovani i izvedeni u skladu sa važećim propisima o projektovanju i izvođenju građevinskih radova, koji se odnose na područje Kantona Sarajevo
- na građevinskoj parceli je dozvoljena gradnja privremenog objekta, koji će služiti za potrebe izgradnje objekta džamije i pratećih sadržaja, a koji se mora ukloniti nakon izgradnje građevina.

Član 4.

Uređenje zelenih površina realizovati prema projektu sadnje uredenom na osnovu Idejnog projekta hortikulture.

Član 5.

Izgradnju svih infrastrukturnih vodova izvesti prema Glavnim projektima na osnovu Idejnih projekata datih Planom.

Član 6.

Ova Odluka stupa na snagu danom donošenja, a naknadno će biti objavljena u "Službenim novinama Kantona Sarajevo".

Broj 02-49-358/09
Juni 2009. godine
Sarajevo

Predsjedavajući
Općinskog vijeća Stari Grad
Sarajevo
Prof. dr. **Rizah Avdić**, s. r.

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08), člana 20. i člana 20.a, te člana 29. stav 3. i člana 33. Odluke o dodjeli na korištenje poslovnih prostora i visini i načinu plaćanja zakupnine za poslovne prostore na kojima pravo raspolaganja ima Općina Stari Grad Sarajevo ("Službene novine Kantona Sarajevo", broj 26/07, 6/08 i 7/09), Općinsko vijeće Stari Grad Sarajevo, na sjednici održanoj 25. juna 2009. godine donijelo je

ODLUKU

**O DODJELI U ZAKUP POSLOVNOG PROSTORA U
ULICI HALAČI BROJ 10**

1. Poslovni prostor u ulici Halači broj 10 (površine 76 m², prva poslovna zona), dodjeljuje se u zakup Čosović Sabahudinu.
2. Korisnik poslovnog prostora iz tačke 1. ove Odluke je dužan plaćati mjesečnu zakupninu u iznosu od 12,00 KM po m².
3. Općinski načelnik će sa korisnikom iz tačke 1. ove Odluke zaključiti ugovor o zakupu poslovnog prostora. Ugovor se zaključuje na period od godinu dana sa mogućnošću produženja ukoliko zakupac bude redovno izmirivao svoje obaveze.
4. Zakupac je dužan platiti polog na račun Općine u visini od tri mjesečne zakupnine kao garanciju o plaćanju zakupnina.
5. Ova Odluka stupa na snagu sa danom donošenja i bit će objavljena u "Službenim novinama Kantona Sarajevo".

Broj 02-49-384/09
25. juna 2009. godine
Sarajevo

Predsjedavajući
Općinskog vijeća Stari Grad
Sarajevo
Prof. dr. **Rizah Avdić**, s. r.

Na osnovu člana 25. Statuta Općine Stari Grad Sarajevo - Prečišćeni tekst ("Službene novine Kantona Sarajevo", broj 31/08), člana 20., člana 29. stav 3. i člana 33. Odluke o dodjeli na